



IZVJEŠTAJ O RADU ZA 2023. GODINU

ekopak

prvi ovlašteni operater sistema upravljanja
ambalažom i ambalažnim otpadom u
BOSNI I HERCEGOVINI

Member of
 PRO EUROPE

Member of
 Expra
Extended
Producer
Responsibility
Alliance



Poštovani, partneri i prijatelji Ekopaka,

Sa zadovoljstvom vam predstavljamo izvještaj poslovanja Ekopaka za 2023. godinu.

U skladu s članom 26. Pravilnika o upravljanju ambalažom i ambalažnim otpadom, Ekopak je do 31.03.2024. podnio svoj Godišnji izvještaj Federalnom ministarstvu zaštite okoliša i turizma, kao i Fondu za zaštitu okoliša Federacije BiH. Prošle godine smo premašili zadate ciljeve i na reciklažu predali, reciklirajući 17.925 tona ambalažnog otpada preko naše mreže sakupljača koji pokrivaju svih 10 kantona Federacije BiH, što je rezultiralo gotovo 18.000 tona recikliranog otpada – iznad godišnjeg cilja.

S ponosom možemo reći da ne samo da su ciljevi ispunjeni, već su premašeni za 6%, uključujući i specifične ciljeve po vrstama materijala. Od početka našeg operativnog rada 2012., ukupno smo reciklirali blizu 140.000 tona, što odgovara preko 7.500 kamiona otpada.

Godišnji izvještaj za 2023. godinu jasno pokazuje našu predanost i uspješnost u misiji. Ti rezultati su plod suradnje s našim klijentima – proizvođačima, uvoznicima, distributerima, te 23 vrijedna sakupljača, od kojih su 12 javnih komunalnih i 11 privatnih preduzeća.

Osim primarnih aktivnosti, angažovali smo se na daljem razvoju sistema prikupljanja i reciklaže, finansirali i sufinansirali infrastrukturu širom Federacije BiH, i nastavili s misijom obrazovanja stanovništva, posebno mladih, o važnosti reciklaže.

Zahvaljujući usklađivanju našeg poslovanja s međunarodnim standardima, Ekopak uživa odličnu međunarodnu reputaciju i jedini je u BiH član dviju krovnih evropskih organizacija za ambalažu i okoliš – Expra i PRO EUROPE u Briselu. Naš rad temelji se na zakonitom, transparentnom načinu poslovanja u skladu s najboljim evropskim praksama, za dobrobit zajednice.

Sve ovo je ostvareno sa četvoro zaposlenih i poslujući po najnižim održivim troškovima, tj. na način da smo ispunili sve propisane ciljeve, a da na tržištu nije došlo do udara niti povećanja cijena proizvoda u ambalaži.

Na ovaj način Ekopak dokazuje svoju posvećenost da u Federaciji Bosne i Hercegovine razvija sistem odvojenog prikupljanja i reciklaže ambalažnog otpada zakonito, transparentno, po visokim etičkim normama i u skladu sa najboljim evropskim iskustvima i praksama i za dobrobit cijele zajednice.

ekopak

Vašu ambalažu u EKOPAK reciklažu!

Srdačno,
Amela Hrbat,
direktorica Ekopaka

REZULTATI RADA 2023. GODINA

Predato na reciklažu 17.926 t

Ekopak u 2023. godini ne samo da je ispunio ciljeve, već su i premašeni za 6%, uključujući i specifične ciljeve po vrstama materijala, te na reciklažu posao 17.926 tona ambalažnog otpada.



STAKLO

METAL

PAPIR

PLASTIKA

DRVO

ONEČIŠĆENA OPASNIM
MATERIJAMA



1.910 t

489 t

12.454 t

2.310 t

735 t

28 t

REZULTATI RADA 2012. – 2023.

Predato na reciklažu 135.977 t

Ekopak od 2012. godine kada je počeo sa operativnim radom, zajedno sa svojom mrežom saradnika, koju čini 23 skupljača iz 10 kantona u FBiH, od čega je 13 javnih komunalnih preduzeća i 10 privatnih kompanija, aktivno radi na razvoju sistema odvojenog prikupljanja i reciklaže ambalažnog otpada na zakonit i transparentan način, te u skladu sa najboljim evropskim praksama i za dobrobit cijele zajednice. Od 2012. do 2023. godine Ekopak je prikupio i poslao na reciklažu više od 135.000 tona ambalažnog otpada.



+900 klijenata

10 kantona FBiH

23 sakupljač u FBiH

13 javnih komunalnih preduzeća

10 privatnih kompanija

22 centara za prikupljanje ambalažnog otpada

STAKLO



11.390 t

METAL



2.948 t

PAPIR



96.858

PLASTIKA



17.496

DRVO



5.124

VIŠESLOJNI MATERIJALI



1.996 t

ONEČIĆENA OPASNIM MATERIJALIMA



165 t

PROJEKTI U 2023.

Bihać dobio prvi podzemni eko-otok

Bihać je dobio svoj prvi podzemni eko-otok. Naime, u cilju postizanja što efikasnijeg prikupljanja ambalažnog otpada, te smanjenja broja postojećih otvorenih, nadzemnih kontejnera u užem jezgru grada, kao i omogućavanja selektivnog odlaganja otpada u posudama koje su namijenjene za razdvajanje papira, plastičnog, staklenog i metalnog ambalažnog otpada, te miješanog komunalnog otpada, ispred zgrade Općine Bihać je postavljen prvi podzemni eko-otok.



Ekopak sufinansirao nabavku vozila za JKP Rad Ključ

U sjedištu Ekopaka potpisani je važan ugovor o sufinansiranju nabavke vozila za prevoz ambalažnog otpada u Općini Ključ. Ugovor su potpisali načelnik Općine Ključ, Nedžad Zukanović, direktor JKP-a Rad Ključ Muamer Egrić i direktorica Ekopaka, Amela Hrbat.



Ekopak nastavlja ulagati u razvoj sistema

Ekopak je opredijeljen da svojim partnerima - sakupljačima ambalažnog otpada bude podrška u razvoju njihovih kapaciteta za prikupljanje, pripremu za reciklažu i transport na reciklažu ambalažnog otpada. Ovaj put smo sa našim partnerom Ladanušić Čistoća iz Posušja sufinansirali nabavku kamiona za transport ambalažnog otpada.



Ekopak uručio Kampusu Univerziteta u Sarajevu setove kanti za selektivno odlaganje otpada

Kampusu Univerziteta u Sarajevu su uručena tri seta kanti za selektivno odlaganje otpada od strane Ekopaka. Tako će studenti u Kampusu Univerziteta u Sarajevu moći da vrše selektivno odlaganje otpada, čime se podržava reciklaža ambalažnog otpada.



Potpisan ugovor o nastavku saradnje između Ekopaka i JKP-a Komrad iz Bihaća

U sjedištu kompanije Ekopak, načinjen je značajan korak ka dalnjem unaprijeđenju sistema reciklaže ambalažnog otpada u BiH. Direktor JKP-a Komrad Bihać Mehura Selimović i direktorica Ekopaka Amela Hrbat potpisali su Ugovor o sufinansiranju nabavke vozila namijenjenih prevozu prikupljenog ambalažnog otpada.

Saradnja između JKP Komrad Bihać i Ekopaka datira još od 2013. godine, kada je potpisana prva ugovara koji je postavio temelje za uspješno partnerstvo u cilju održivog upravljanja otpadom u Bihaću. JKP Komrad Bihać se s ponosom ističe kao prvo javno komunalno preduzeće koje se pridružilo Ekopaku.



Na Sarajevo Film Festivalu prikupljene značajne količine ambalažnog otpada

Ekopak je i ove godine bio podrška Coca-Coli u prikupljanju ambalažnog otpada tokom trajanja Sarajevo film Festivala.

U partnerstvu sa KJKP Rad Sarajevo, Ekopak je imao važnu ulogu u realizaciji projekta naziva "Recikliraj me. Pokloni mi novi život.", ostvarujući tako još jedan uspješan projekat u prikupljanju ambalažnog otpada.

Tokom osam dana trajanja SFF-a, značajne količine otpada su, umjesto na deponiji Smiljevići, završili u procesu reciklaže i to: 950 kg PET boca, 530 kg limenki i 14.170 kg staklene ambalaže.



Održan sastanak 14 javnih komunalnih preduzeća iz sistema Ekopaka

U Ključu je održan sastanak 14 javnih komunalnih preduzeća (JKP) iz sistema Ekopaka. Organizatori ovog događaja bili su JKP Rad Ključ i operater sistema u pravljanja ambalažom i ambalažnim otpadom Ekopak.



Ekopak podržao Međunarodnu konferenciju «Izgradimo održivu BiH»

U Sarajevu je održana Međunarodna konferencija o održivom razvoju "Izgradimo održivu BiH" (ESG BiH) u organizaciji gospodina Tomislava Lukića, savjetnika ministricе Federalnog ministarstva okoliša i turizma. Cilj konferencije bio je razmjena iskustva i dobrih praksi, ali i izazova u Bosni i Hercegovini i zemljama regije po pitanju uspostavljanja održivog razvoja, cirkularne ekonomije i upravljanja otpadom.

Konferencija je okupila brojne stručnjake iz različitih sektora iz cijele regije kako bi zajedno raspravljali o ključnim pitanjima održivosti.

Prvi ovlašteni operator sistema za upravljanje otpadom u BiH Ekopak podržao je organizaciju konferencije i aktivno sudjelovao u predstavljanju svog desetogodišnjeg uspješnog rada u upravljanju ambalažom i ambalažnim otpadom u Federaciji BiH.



Ekopak obezbijedio 50 kanti za odlaganje staklenog ambalažnog otpada restoranima i kafićima u Ključu

HORECA industrija, koja obuhvata hotele, restorane i kafiće, igra značajnu ulogu u procesu prikupljanja i reciklaže staklenog ambalažnog otpada, i shodno tome, Ekopak je inicirao značajan korak obezbijedivši 50 kanti za odlaganje staklenog ambalažnog otpada restoranima i kafićima širom Ključa.



Ekopak podržao Diplomatski zimski bazar

Ekopak je i ove godine podržao Diplomatski zimski bazar koji je održan proteklog vikenda u dvorani Mirza Delibašić u Sarajevu.

Ovaj događaj je okupio oko 10,000 posjetitelja, a Ekopak je pružio podršku postavljajući 10 setova kanti za odvajanje otpada - žutih za ambalažni otpad i crnih za ostali otpad. Nakon završetka događaja, otpad je preuzeo KJKP Rad Sarajevo, dok je ambalažni otpad predan na reciklažu.



Ekopak uručio kante za prikupljanje staklenog i plastičnog ambalažnog otpada hotelima Hills i Hollywood

U sklopu unapređenja projekta "Upravljanje staklenom ambalažom na Zapadnom Balkanu," Ekopak je uručio kante za prikupljanje staklenog i plastičnog ambalažnog otpada za dva najveća hotela u Općini Ilijža. Hoteli Hills i Hollywood, koji imaju značajne količine ambalažnog otpada, s obzirom na velik broj gostiju i posjetitelja tokom cijele godine, prepoznali su važnost recikliranja ambalažnog otpada i rado su se odazvali našoj akciji.



Ekopak podržao inicijativu „HELPing Hands“ za održivi razvoj u BiH

U Historijskom muzeju Bosne i Hercegovine održan je događaj pod nazivom „HELPing Hands“, koji je organizirala njemačka nevladina organizacija HELP.

Na događaju „HELPing Hands“, koji je okupio nekoliko startupova iz cijele BiH, HELP je promovirao poduzetničke potpovate koje je podržao u pokretanju njihovih biznisa.

Ekopak se pridružio ovom događaju pruživši podršku i osiguravši nekoliko setova kanti za odvajanje ambalažnog otpada, posebno papira i plastike. Spremljeni ambalažni otpad je preusmjeren na reciklažu.

Ulica Urijan Dedina dobila 70 kompletova za selektivno odlaganje otpada

Ulica Urijan Dedina, smještena u sarajevskom naselju Soukbunar, dobila je 70 novih kompletova za sortiranje otpada. Svaki komplet sastoji se od žute kante namijenjene za odlaganje reciklabilnih materijala, te crne kante za odlaganje otpada koji nije pogodan za recikliranje.

Nabavku setova za otpad osigurao je Ekopak, a KJKP Rad Sarajevo će redovno prazniti ove posude i osigurati pripremu materijala za reciklažu.



Godina dana od otvaranja reciklažnog dvoriša u Paromlinskoj i bilježimo dobre rezultate

Prošla je godina dana od otvaranja reciklažnog dvorišta u Paromlinskoj ulici u Sarajevu, a koje je u suradnji sa KJKP RAD i ZEOS sufinansirao EKOPAK.

S tim u vezi, zabilježili smo dobre rezultate u sakupljanju i recikliranju različitih vrsta ambalažnog otpada.

Ukupno je prikupljeno

124 tone otpada i to:

PET ambalaža – 2049 kg

Papir i karton – 5262 kg

Staklena ambalaža – 2611 kg



Ekopak sufinansirao nabavku vozila za prevoz ambalažnog otpada od opasnih materija

U suradnji sa kolegama iz Ekoživota i ovlaštenim sakupljačem ambalaže od opasnih materija Kemeko iz Lukavca Ekopak je sufinansirao nabavku vozila namijenjenog za prijevoz ambalažnog otpada od opasnih materija.



Ekopak uđe u razvoj sistema u Općini Olovo

Ekopak i Javno komunalno preduzeće Bioštica Olovo su u petak, 29.12.2023. godine, potpisali ugovor o međusobnoj suradnji.

Direktorica Ekopaka, Amela Hrbat, i direktor Bioštice, Kasim Kljajić, potpisali su ugovor o nabavi manjeg vozila za prikupljanje ambalažnog otpada s područja Općine Olovo.



EDUKACIJE I PROMOCIJE

2023.



Molson Coors i Ekopak organizovali edukativno-kreativne radionice za djecu

Naša firma je ponosno podržala ovu inicijativu koja je imala za cilj podizanje svijesti o važnosti očuvanja okoliša, posebno među najmladima. U suradnji s Molson Coorsom, pripremili smo niz edukativnih i kreativnih radionica prilagođenih djeci svih uzrasta.

EDUKACIJE 2023.



Ekopak u medijima

Ekopak ima odličnu saradnju sa medijima u BiH i česti smo njihovi gosti. Tako smo u 2023. godine sudjelovali u specijaliziranim emisijama poput "Eko Echo" i "Biznis Klub BH" Radija 1, specijalne emisije o okolišu "Ekologika" na BHT, te smo dali intervjuje za novinsku agenciju Fena, poslovni portal Akta, Federalnu TV, Hayat...



Druženje s djecom u reciklažnom dvorištu povodom Svjetskog dana zaštite okoliša

U sklopu obilježavanja Svjetskog dana zaštite okoliša, KJKP Rad, Ekopak i Zeos udružile su snage kako bi organizirale zanimljivo i edukativno druženje s djecom u reciklažnom dvorištu. Ova manifestacija održana je 5. juna 2023. godine

Druženje sa učenicima OŠ Semizovac

Učenici su imali priliku učiti o važnosti selektivnog odlaganja ambalažnog otpada. Pored toga, djeca su, koristeći ambalažu, izrađivala kreativne predmete, rješavala tematske slagalice i sudjelovala u temackoj društvenoj igri.

Ekopak na Urban Agri Festu

Ekopak je učestvovao na Urban Agri Festu i tom prilikom organizovali smo kreativne radionice za djecu u kojima su mališani od starog ambalažnog otpada pravili korisne predmete. Igrali smo i zanimljivu društvenu igru "Reciklaža nije gnjavaža", slagali slagalice, te učili kako se pravilno odlaže otpad.

Ekopak podržao inicijativu studenata ASU Sarajevo: Eko-otok za Spring Pitch 2023

Podržali smo Spring Pitch 2023, koji je održan 4. maja u Sarajevu. Studenti Akademije scenskih umjetnosti u Sarajevu prepoznali su našu predanost u uspostavljanju efikasnog sistema reciklaže ambalažnog otpada.



Ekopak na GRAPOS EXPO 2023

U svrhu naglašavanja važnosti unapređenja sistema za recikliranje i edukacije građanstva, Ekopak redovno učestvuje na različitim privrednim, kulturnim i sportskim manifestacijama. Tako je bilo i ovog puta, kada je Ekopak u saradnji sa JKP Komus d.o.o., prisustvovao prestižnom sajmu poduzetništva i obrta GRAPOS EXPO 2023 u Gračanici.

Ova značajna manifestacija, koja se održala od 20. do 23. septembra, okupila je više od 100 izlagača iz cijele Bosne i Hercegovine.



Ekopak održao edukativno-zabavne radionice povodom Dana škole u OŠ Aleksa Šantić u Sarajevu

Osnovna škola Aleksa Šantić u Sarajevu proslavila je Dan škole uz veliku podršku Ekopaka.

Tim povodom, organizovane su edukativno-zabavne aktivnosti s ciljem edukacije djece o važnosti reciklaže i brige za okoliš.



Druženje sa učenicima Škole za srednje stručno obrazovanje i radno osposobljavanje Sarajevo



Povodom obilježavanja 22. aprila - Dana planete Zemlje sa učenicima Škole za srednje stručno obrazovanje i radno osposobljavanje Sarajevo posadili smo drvored prijateljstva.

EDUKACIJE 2023.

Edukativno-zabavne radionice u Vitezu povodom obilježavanja dana Općine Vitez i Svjetskog dana planete Zemlje

U suradnji s Općinom Vitez i JKP Vitkom Vitez, organizirali smo edukativno-zabavne radionice za djecu u sportskoj dvorani u sklopu proslave Dana Općine, ali i obilježavanja dana planete Zemlje.



Ekopak podržao akciju "Za moj grad Konjic":



U okviru ove akcije, održane su edukativne radionice za najmlađe na temu "Značaj odvajanja otpada". Tako su se djeca iz vrtića "Zulejha Begeta" družila sa Zekopakom, učila o reciklaži, takmičili se u ispravnom odlaganju ambalažnog otpada, a na kraju su na poklon dobili slikovnice i diplome.



EKOPAK NA KIDS KINĐURIJADI: Djeca od ambalažnog otpada kreirala prekrasne kostime i maske

Dječja manifestacija Kindurijada održana je u subotu, 04.03.2023. godine u Domu mladih u Sarajevu. Ovu sada već tradicionalnu manifestaciju za djecu od 3 do 13 godina i ove godine je podržao Ekopak.

Tako su djeca mogla sudjelovati u kreativnoj radionici gdje su od ambalažnog otpada izradivali maske i kostime. Našim mladim kreativcima pomagala je sjajna product dizajnerica sa Akademije likovnih umjetnosti iz Sarajeva Farah Šunje, a autorima najboljih kostima Ekopak je dodijelio i prigodne nagrade.

PROMOCIJA SISTEMA U 2023. GODINI

57

Saopćenja za
javnost

7

Intervjua

PROMOCIJE 2023.

27
DOGAĐAJA



180

POSTOVA NA
DRUŠ. MREŽAMA



150

VIZUALA NA
DRUŠ. MREŽAMA



15.000

PRIJATELJA NA
DRUŠ. MREŽAMA



51


Medijskih
objava

630.214

Pregleda na
www.ekopak.ba



CENTRI ZA PRIKUPLJANJE AMBALAŽNOG OTPADA





Adresa: Zmaja od Bosne 7
Importanne centar
71000 Sarajevo
Bosna i Hercegovina
Telefon: +387 33 921 934
Fax: +387 33 921 935
Email: info@ekopak.ba
www.ekopak.ba
www.zelenatacka.ba



Vašu ambalažu u **ekopak** reciklažu!